

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XXX. Soluuntur objectiones.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

satis erit loca ipsa annotare. Vide Dionysium de Ecclesiastica hierarchia, cap. 3. part. 3. Clementem lib. 2. constitut. Apostol. cap. 61. Origenem homil. 5. in diuersa loca Euangelij; Cyril. Hierosolymit. Catechesi 5. mystagogica; Ambrosum lib. 3. de Spiritu sancto, cap. 12. Eusebium Emissenum homil. 5. de Paschate; Theodoretum in 2. Dialogo; Nazianzenum in oratione de sancta Gorgonia; sed duos pro omnibus audiamus. Sanctus Ioan. CHRYSOSTOMVS homil. 61. ad populu Antiochenum: *Si pura sunt vestimenta, inquit, adora, et communica.* Vide eundem homil. 83. in Matth. homil. 24. in 1. ad Corinth. homil. 3. in epist. ad Ephes. & in homil. de enceniis, & in altera de S. Philogonio. AVGUSTINVS in Psalm. 98. *Nemo, inquit, illam carnem manducat, nisi prius adorauerit.* Vide eundem epist. 118. cap. 3. epist. 120. cap. 27. in Psal. 21. con-
cione prima.

CAPUT XXX.

Soluuntur objectiones.

SUPEREST ut objectiones aduersariorum diluimus. PRIMO, Lutherus in libro ad VValdenses obiicit, in Sacramentis præcipue ad verba Sacra-
mentalia attendere oportere: & inde colligit, nō
debere homines occupari circa adorationem, ne videlicet
adorationi intenti obliuiscantur verborum.

RESPONDEO; Nititur hoc argumentum fundamento illo putrido, quod Sacraenta sint instituta ad instruendum animum, & excitandam fidem, quod millies iam refutatum est. Deinde adoratio ex verbis oritur: inde enim mouemur adorandum, quia audimus illum esse corpus Domini. Unde unum iuuatur ex altero, tantum abest, ut unum alterum impedit.

SECUNDO, obiicit idem. Adoratio ex fide procedere debet, fides autem nititur verbo Dei. Sed verbum Dei non dicit, Christum in Eucharistia esse adorandum.

RESPONDEO; Verbum Dei satis monet, & præcipit, Christum adorari debere in Eucharistia, cum docet illum verè esse Deum, & esse in Eucharistia: & alibi iubet Deum adorari.

TERTIO, obiicit Caluinus. Apostoli cum primùm com-
municarent, non leguntur prostrati in terram adorasse Sa-
cramentum.

Ooo 4. RESPON-

R E S P O N D E O; Apostoli non debuerunt maiorem honorem exhibere Christo in specie panis latenti, quam in forma humana visibiliter praesenti: no autem poterant semper prostrati cum Christo agere, & praesertim in cena, quando cumberem cum eo illis necesse erat. Itaque certis vicibus illum proni adorabant, alias autem mente, & animo venerabantur agnoscentes verum Dei Filium. Reliqua Caluini argumenta ex Nicena Synodo, & ex illa præfatione, *Sursum corda, &c.* aliis quibusdam locis, supra soluta sunt in 2. libro.

Q U A R T O, argumentatur alij. Si ideo Sacramentum Eucharistiae adorandum est, quia ibi Christus est: igitur omnis creatura adoranda erit, quia in omni creatura Deus est.

R E S P O N D E O; Longè aliter est Christus in Eucharistia, & in aliis rebus Deus. Nam in Eucharistia unum tantum suppositum est, idq; diuinum; cetera omnia ad aliud pertinent, & cum illo unum quid faciunt, licet non eodem modo: ideo ita totum illud simul adoratur, ut ante diximus de Christo vestito. At in aliis rebus Deus quidem est, sed non est unum suppositum cum illis; neque dici possunt unum quid, Deus, & creatura in qua est Deus.

Q V I N T O; Ista adoratio exposita est manifesto periculo idolatriæ; fieri enim potest, vt impius Sacerdos fingat se consecrare, nec tamen re ipsa consecret: igitur omittenda est.

R E S P O N D E O; Si argumentum valerer, omittenda esset non solum adoratio, sed etiam Communio. Nam Communio exposita est periculo accipendi merum panem pro corpore Christi. Sed nullum est periculum idolatriæ in eo, qui simpliciter, & bona fide Sacramentum adorat: adoratio enim ex intentione potissimum penderet. Quare sicur is, qui panem non consecratum iniuria afficeret, putans consecutum esse, grauissime peccasset in Christum: sic etiam contra, qui panem eundem adorat, quod certò credat non esse panem, sed Christum, is propriè, & formaliter Christum adorat, non panem.

S E X T O, Honorius III. instituit, ut Sacramentum adoretur; & paulò post Urbanus IV. addidit festum diem, & solem processionem: ergo totus iste ritus nouus est, & ab humano ingenio excogitatus.

R E S P O N D E O; Honorius, vt ex cap. Sanè, de celebratione Missarum, intelligi potest, non instituit primus Sacramenti

huius

huius adorationem, sed monuit solùm, vt præsides Ecclesiæ operam darent, ne tantum Sacramentū debito honore fraudaretur. Urbanus autem IV. instituit quidem primus festum corporis Domini, & solennem illam processionem, & eius decreta confirmauit Clemens V. cum vniuerso Concilio Vienensi, vt habetur in Clementina vnica, de reliquiis, & veneratione Sanctorum; sed ea institutio nullo modo reprehendi potest. Nam aut reprehendenda esset, quia noua, & sine Dei mandato, vel quia sine iusta causa introducta. Nouitas non potest reprehendi; omnia enim festa aliquando fuerunt noua, nec vlla inueniuntur in Testamento nouo ab ipso Christo instituta, vel imperata. Exstant etiam exempla legis veteris. Nam festum sortiū à Mardocheo & Ester, sine vlo Dei mandato institutum fuit, & ab omni Synagoga receptum, vt patet Ester 9. Festum item victoriæ Iudith, institutum fuit ab Hebreis sine vlo Dei præcepto, Iud. 16. Denique festum Enceniorum, institutum à Machabæis, 1. Machab. 4. ipse etiam Dominus celebrare de more Iudæorum voluit, Ioan. 10. vt intelligeremus licere Ecclesiæ noua festa introducere.

Puisse autem optimas rationes eius festi introducendi, patet ex Clementina supra citata; sed duæ videntur præcipuae. PRIMA est, vt populus Christianus Deo gratias ageret, ob tantum & tam singulare beneficium nobis impensum; quæ ratio est omnium festorum, tum in veteri Testamento, tum in nouo institutorum. Quare nisi quis neget, in hoc Sacramento singulare beneficium à Deo nobis præstitum, aut certe non putet, Deo pro beneficiis gratias esse agendas, non video qua ratione possit hoc festum reprehendere.

ALTERA cauſa est, vt populus instruatur circa mysteria fidei nostræ, & eorum assidue recordetur, ac præsertim, quando ea mysteria ab hæreticis oppugnantur: facilius enim ruidores discunt, & retinent mysteria Incarnationis Domini, Passionis, Resurrectionis, Ascensionis, & similia, ex celebrazione festorum, quæ singulis annis recurrent, quam ex libris, vel concionibus. Pari ratione melius discunt ruidores in Eucharistia Sacramento verè esse Christum præsentem, & profinde falsam esse hæreticorum doctrinam, ex publica adoratione totius Ecclesiæ, & honore illo eximio, qui huic Sacramento exhibetur, quam ex multis concionibus. Quare si hoc festum nondum institutum esset, expediret planè, vt hoc

Ooo 5 tempore

tempore institueretur, tum ut fideles instrueretur, ut mecum
ut re ipsa hæresim confutarent, & fidem veram facta protul-
lentur.

SEPTIMO, obiicit Kemnitius argumentum / ut ipse putat
insolubile, contra processionem, & circumgestationem ve-
nerabilis Sacramenti. Nam 1. Reg. 4. legimus, filios Israël bo-
na quidem intentione, sed absque Dei mandato, adduxisse
arcam Dei in castra, existimantes per eam arcæ circumges-
tationem se victoriam de hostibus relaturos. Sed contra acci-
dit; nam & exercitus fusus est, & Sacerdotes occisi, qui arcam
adduxerant, & ipsa arca ab hostibus capta fuit.

RESPONDEO; Causa tot malorum non fuit arcæ adduc-
tio ad castra, sed peccata præterita Israëlitarum, & peccata
Sacerdotum Ophni, & Phinees filiorum Heli, vt Deus punit
statur, 1. Reg. 2. & 3. Nam alioqui arca erat in castris, quando
insignem victoriam retulit Saul 1. Reg. 14. & rursus erat in ca-
stris, quando Ioab superauit filios Ammon, 2. Reg. 11. Et cum
Israëlitæ, Numer. 14. ab Amalekitis vici sunt, Scriptura mo-
nendum putavit, nō fuistе tunc arcam Dei cum illis, qui præ-
liabantur.

Deniq; placuisse Deo, honorem arcæ impensum in solen-
ni processione, & circumgestatione, siue ipse id mandasset, si-
ue non, perspicuum est ex variis Scripturæ diuinæ testimoniis.
Iosue 6. solennis circumgestatio arcæ septem diebus celebra-
ta, effecit, vt Hiericho sine sanguine Hebræorum caperetur,
& illa quidem processio à Deo mandata fuit. Sed 2. Reg. 6. & 7.
& 3. Reg. 8. solennissimæ, & Deo gratissimæ leguntur proce-
siones, cum arca Domini deferretur de loco in locum, quia
tamen Dominus minimè fieri uolerat. Atque haec
de tota controuersia pro instituta bre-
uitate sufficiant.



LIBER